

# କଲସିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର କଲସିଅ ମଣ୍ଡଳୀର ବିସ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନ୍ବାଟା

କଲସିଅତେଇ ଲେକିରଇବା ଚିଠି ଅଇଲାନ୍ତି ପାଉଲ୍ ଲେକିରଇବାଟା୧:୧ । ଦେକ୍ବାକେ ଗାଲେ ଜିସୁକିରିସ୍ଟ ଜନମଅଇକରି ୬୦ କିରିସ୍ଟାଦ ପାକାପାକି ଲେକାଅଇଆତେ । ରମ୍ ରାଇଜେ ବନ୍ଦି ରଇଲା ବେଲେ ସେ ଏ ଚିଠି ଲେକିରଇଲା । କଲସିଅ ବଇ ସଙ୍ଗ୍ ଏପିସିୟ ଆରି ପିଲିପିୟ ବଇମାନଙ୍କେ ମିସା ବନ୍ଦି ଗରର୍ ବଇ ବଲି କଇବାଇ । କାଇକେବଇଲେ ପାଉଲ୍ ବନ୍ଦିଗରେ ରଇବା ବେଲେ ଏ ବଇ ଲେକିରଇଲା । ସେ କଲସିଅ ସଅରେ ରଇବା ମଣ୍ଡଳୀମାନଙ୍କେ ଏ ବଇ ଲେକିରଇଲା । ପାଉଲ୍ ଏ ମଣ୍ଡଳି ଆରାମ୍ ନ କରରଇଲା, ଜନ୍ମଟା ସେ ୨:୧ ତେଇ ଜାନାଇଆତେ, ମାତର୍ ବେସି ଲକ୍ ତେଇ ତାର୍ ଦାଇତେ ରଇବା କାତା ମନେପାକାଇଲାଇନ୍ତି । ଏପାପରସ୍ ଏ ମଣ୍ଡଳି ତିଆରକରିରଇଲା । ସେଟାର୍ପାଇ ସେ କଲସିଅର୍ ଗଟେକ୍ ଲକ୍ ରଇଲା ।

ପାଉଲ୍ କଲସିଅ ମଣ୍ଡଳିଟାମେ ଅଇତେରଇବା କେତେଟା ମିର୍ ସିକିଆର୍ପାଇ ବାବ୍ତେରଇଲା । ସେ ଚିଠିଟାମେ ଏ ବିସଇ ଲେକ୍ବାକେ ବେସି ଦିନ୍ ବିତାଇରଇଲା । ଅଇଲେ ଅଇରଇପାରେ କେତେଟା ଜିଉଦି ବିସ୍ୱାସୀମନ୍ ଜନ୍ମଲକ୍ମନ୍ କି ବିନ୍ କେତେଟା ବିସ୍ୱାସୀମାନଙ୍କେ ପୁରନା ନିୟମର୍ ଜିଉଦି ରିତିନିତି ନିକସଙ୍ଗ୍ ମାନ୍ବାକେ ବାଦିଅ କର୍ତ୍ତେରଇଲାଇ । ସେମନ୍ ସୁନତ୍ ବିଦିର୍ ନିୟମ୍ ମାନ୍ବାକେ ବାଦିଅ କର୍ବାକେ ଚେସଟା କର୍ତ୍ତେରଇଲାଇ । ପାଉଲ୍ ଲତାକେ ନ ଆଇବା ବିସ୍ୱାସୀମନ୍ର ବିସଇ ନିକ ସଙ୍ଗ୍ ଲେକିଆତେ । କେ ଅଇଲେ ମିସା ଗଟେକ୍ ଲକ୍ କିରିସ୍ଟକେ ଚାଡ଼ି ପରମେସରର୍ ମୁଆଟେ ତାର୍ ଅଇ ନାପାରେ ୧:୧୫-୨୦ । ମାତର୍

ଏ ନର ଲକ୍ଷ୍ମୀନର ଦଦାପେଲାରଲଗି ତିଆରଅଇରଇବା ସିକିଆ କାଇ କାମକେ ନ ଦେଏ ୨:୮ ।

**ଏ ବଇ ବିତ୍ତରେ ରଇବାଟା**

- ୧. କଲସିଅ ମଣ୍ଡଳିକେ ପାଉଲ ଜୁଆର ଜାନାଇବାଟା । ୧:୧-୨
- ୨. କିରିସ୍ଟର୍ କେବେ କେ କରି ନ ରଇବା କାମ୍ ଆରି ମିର୍ ସିକିଆ ବିସଇ ନେଇକରି ପାଉଲ ଉତର୍ ଦେବାଟା । ୧:୩-୩:୪
- ୩. ପାଉଲ ଗଟେକ୍ ନିମାନ୍ ବିସ୍ବାସି ଅଇ ଜିଉନା କାଉନା କରବାକେ କଇଲାଆଟେ । ୩:୫-୪:୨
- ୪. ପାଉଲ ଏ ଚିଟି ବିନ୍ ବିନ୍ ମଣ୍ଡଳିକେଇ ମିସା ପଡ଼ବାକେ କଇକରି, ଆରି ଜୁଆରବେଟ୍ ଜାନାଇ ସରାଇଲାନି । ୪:୭-୧୮

୧ ଏ ଚିଟି ମୁଇ ପାଉଲ ଆରି ବିସ୍ବାସର୍ ଲାଗି ଆମର୍ ବାଇଅଇରଇବା ତିମତି ମସି ଲେକ୍ଲୁନି । ପର୍ମେସର୍ ମକେ ବାଟଲାରପାଇ ମୁଇ ଜିସୁକିରିସ୍ଟର୍ ଗଟେକ୍ ପେରିଡ଼ ଅଇଆଟି ।

୨ କଲସି ନଅରେ ରଇବା ପର୍ମେସରର୍ ଲକ୍ଷ୍ମୀନ ତମକେ, ମୁଇ ଏ ଚିଟି ଲେକି ପାଟାଇଲାନି । ତମେ ଆମର୍ ବିସ୍ବାସ୍ ରଇବା ବାଇବଇନିମନ୍ ଆରି କିରିସ୍ଟର୍ ସଙ୍ଗ୍ ମିସିଆଟାସ୍ ।

ଆମର୍ ବାବା ପର୍ମେସର୍ ତମକେ ଜିବନ୍ ଦୁକାଇ ସାନ୍ତି ଦେଅ ।

**ଦନିଅବାଦ୍ ଦେବା ପାରତନା**

୩ ଆମେ ତମର୍ପାଇ ପାରତନା କଲାବେଲେ ଆମର୍ ମାପୁରୁ ଜିସୁକିରିସ୍ଟର୍ ବାବା ପର୍ମେସରକେ ଦନିଅବାଦ୍ ଦେଲୁନି ।

୪ କାଜକେବଇଲେ ମାପୁରୁ ଜିସୁକିରିସ୍ଟର୍ ତେଇ ରଇବା ତମର୍ ବିସ୍ବାସ୍ ଆରି ପର୍ମେସରର୍ ଲକ୍ଷ୍ମୀନର୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆରୁ ।<sup>୫</sup> ତମେ ପର୍ତୁଗ୍ ସୁବ୍ କବରର୍ ବିସଇ ସୁନ୍ଲାବେଲେ, ସୁବ୍କବରେ ରଇବା ଆସାକରବା ବିସଇ ଜାନିରଇଲାସ୍ । ତେବର୍ପାଇ ତମେ ବିସ୍ବାସ୍ କରି ପର୍ମେସରର୍ ଲକ୍ଷ୍ମୀନକେ ଆଲାଦ୍ କର୍ତେ ରଇଲାସ୍ । ତମର୍ପାଇ ସର୍ଗେ ତିଆର୍ ଅଇରଇବା ପୁରୁସ୍କାର ଆସାକରି ଏନ୍ତାରି କଲାସ୍ ।<sup>୬</sup> ଗୁଲାଇ ଜଗତର୍ କେତେକ୍ କେତେକ୍ ଲକ୍ଷ୍ମୀନ୍ ଏ ସୁବ୍କବର୍ ବିସ୍ବାସକରି ତାକର୍ ମନ୍ ବାଦ୍ଲାଇଲାଇନି । ତମେ ସୁବ୍କବର୍ ସୁନ୍ଲା ପର୍ତୁଗ୍ ଦିନେଅନି ତମର୍ ବିତ୍ତରେ ମିସା ଏନ୍ତାରିସେ ଅଇରଇଲା ଆରି

ପରମେସର୍ ଜିବନ୍ ଦୁକାଇଲା ସତ୍ ବିସଇ ତମେ ପୁରାପୁରୁନ୍ ଜାନିରଇଲାସ୍ । ୭ ✽ପରମେସର୍ ତାର୍ ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍ ଆଲାଦର୍ ଗତିଦାଙ୍ଗ୍ତା ଏପାପରାସ୍ ତମ୍‌କେ ସିକାଇରଇଲା । ଆମର୍ ବାଦୁଲେ ସେ ବିସ୍‌ବାସ୍ ରଇକରି କିରିସ୍‌ଟକେ ସେବାକଲାନ୍ତି । ୮ ପରମେସର୍ ଲକ୍‌ମନ୍‌କେ ଆଲାଦ୍ କରବାକେ ତମ୍‌କେ ସୁକଲ୍‌ଆଡ଼ମା କେନ୍ତାରି ସାଇଜ କଲାଆତେ ବଲି ଏପାପରାସ୍ ଆମ୍‌କେ ଜାନାଇଆତେ ।

୯ ଆମେ ତମର୍ ବିସଇର୍ ଏ ନିକ କବର୍ ସୁନିକରି, ତମର୍‌ପାଇ ପାର୍‌ତନା କରିଲାଗିଆରୁ । ତାର୍ ସୁକଲ୍‌ଆଡ଼ମାଇଅନି ପାଇରଇବା ଗିଆନ୍ ଆରି ବୁଦ୍‌ବା ବପୁସଙ୍ଗ୍ ସେ ମନ୍‌କଲାଟା ତମେ ପୁରାପୁରୁନ୍ ଜାନିପାରସା ବଲି ଆମେ ମାପ୍‌ରୁକେ ଗୁଆରି କଲୁନି । ୧୦ ତେବର୍‌ପାଇ ତମେ ତାକେ ସାର୍‌ଦା କରାଇଲାପାରା ତଲାଚଲ୍‌ତିକରି ସେ ମନ୍‌କଲାପାରା ଜିଉନାକାଉନା କର୍‌ସା । ବିନ୍ ଲକ୍‌ମନ୍‌କେ ସାଇଜ କରିଲାଗିରଇସା ଆରି ପରମେସର୍‌ର ବିସଇ ଜାନ୍‌ବାକେ ଅଦିକ୍ ଅଦିକ୍ ବଡ଼ିଆଇସା । ୧୧ ତାର୍ ବଡ଼ ବପୁସଙ୍ଗ୍ ନିଜେ ବପୁଅଇ ତମେ ସାର୍‌ଦାସଙ୍ଗ୍ ମୁର୍‌ଚିକରି ରଇପାରସା । ୧୨ ବାବା ପରମେସର୍ ଉଜଲର୍ ରାଇଜେ ତାର୍ ଲକ୍‌ମନ୍‌ର୍ ପାଇ ଜାଇଟା ଚୁଲିଆଇ ଆତେ, ତେଇ ମିସ୍‌ବାକେ ସେ ତମ୍‌କେ ବାଟ୍‌ଲା ଆତେ । ସେଟାର୍‌ପାଇ ସାର୍‌ଦା ସଙ୍ଗ୍ ତାକେ ଦନିଅବାଦ୍ ଦେଇସା । ୧୩ ସେ ଆମ୍‌କେ ଆନ୍ଦାରର୍ ବପୁତେଇଅନି ମୁକ୍‌ଲାଇକରି ତାର୍ ଆଲାଦର୍ ପଅର୍ ରାଇଜେ ତାକିଆନିଆତେ । ୧୪ ✽ତାର୍ ପଅର୍‌ଲାଗି ସେ ଆମ୍‌କେ ମୁକ୍‌ଲାଇକରି ଆମର୍ ସବୁ ପାପ୍ କେମା କିରିଦେଲାଆତେ ।

### କିରିସ୍‌ଟ ଆରି ତାର୍ କାମ୍

୧୫ କିରିସ୍‌ଟ ନ ଡିସ୍‌ବା ପରମେସର୍‌ର ସମାନ୍ ବାନିମୁର୍‌ତି ଆତେ । ତିଆର୍ କରିରଇବା ସବୁର୍ ଉପ୍‌ରେ, ପର୍‌ଡୁମ୍ ଜନମ୍ ଅଇଲା ପଅ ଇସାବେ, ତାର୍ ଅଦିକାର୍ ଆତେ । ୧୬ କାଇକେବଇଲେ ପରମେସର୍ ତାର୍‌ଟାନେଅନି ସବୁ ବିସଇ ତିଆର୍‌କଲା ଆତେ । ଜଗତେ ରଇବାଟା ସବୁଜାକ, ସର୍‌ଗେ ରଇବାଟା ସବୁଜାକ, ଡିସ୍‌ବାଟା

ଆରି ନ ତିସ୍‌ବାଟା, ବପୁରଇ ସାସନ୍ କରବା ଦୁତମନ୍ ଆରି ଆତ୍ମା ରଇବାଟାମନ୍ । କିରିସ୍‌ଟର୍‌ତେଇଅନି ସବୁ ବିସଇ ତିଆର୍ କରିରଇଲା ଆରି ତାର୍‌ଲାଗିସେ ସବୁ ବଞ୍ଚିଆତଡ଼ । ୧୭ କାଇଟା ତିଆର୍ ନ ଅଇତେ ସେ ରଇଲା, ଆରି ତାର୍‌ଟାନେ ସବୁ ବିସଇ ମିସିକରି ଚାଲୁତେରଇସି । ୧୮ \*ମଣ୍ଡୁଲି ଅଇଲାନି ତାର୍ ଗାଗଡ଼ ଆରି ସେ ମଣ୍ଡୁଲିର୍ ମୁଣ୍ଡ । ମୁଣ୍ଡ ଗାଗଡ଼କେ ସାସନ୍ କଲାପାରା, ସେ ମଣ୍ଡୁଲିକେ ସାସନ୍ କଲାନି । ତାକେସେ ପର୍‌ମେସର୍ ମରନେଅନି ପର୍‌ତୁମ୍ ଉଟାଇରଇଲା । ଜେଡ଼ିକି କିରିସ୍‌ଟ ସବୁର୍ ଉପରେ ସାସନ୍ କରସି । ୧୯ କାଇକେବଇଲେ ପର୍‌ମେସର୍ ତାର୍ ପଅକେ ତାର୍ ପୁରାପୁରୁନ୍ ଗୁନ୍‌ଚଲନ୍‌ସଙ୍ଗ ରଅ ବଲି ଟିକ୍ କରିରଇଲା । ୨୦ \*ଆରି କିରିସ୍‌ଟର୍‌ଟାନେଅନି ସେ ତିଆର୍ କରିରଇବା ସବୁଜାକ, ତାର୍‌ଟାନେ ବାଉତାଇ ଆନ୍‌ବି ବଲି ଟିକ୍ କରିରଇଲା । ଦର୍‌ତନିଟାନେ ରଇବାଟା ଅ କି ସର୍‌ଗେ ରଇବାଟା ଅ । ତାର୍ ପଅ କୁରୁସକାଟେ ମରି ବନି ଜରାଇଲାର୍‌ପାଇ ସବୁ ବିସଇ ତାର୍‌ଟାନେ ସାନ୍ତିଅଇ ରଇସି ।

୨୧ ଗଟେକ୍ ବେଲାଇ ତମେ ପର୍‌ମେସରର୍ ଟାନେଅନି ବେଗ୍‌ଲି ରଇଲାସ୍ । ତମେ କରିରଇବା ଆରି ମନେ ବାବିରଇବା କାରାପ୍ ବିସଇର୍ ଲାଗି ତାର୍ ସତ୍‌ରୁ ଅଇରଇଲାସ୍ । ୨୨ ମାତର୍ ଏବେ କିରିସ୍‌ଟ ନର୍ ରୁପ୍ ନେଇ ମଲାର୍ ପାଇ ସେ ତମକେ ତାର୍ ମୁଆଟେ ସାନ୍ତି ସଙ୍ଗ ଆଇବାକେ ଟିକ୍ କଲାଆଟେ । ତମେ ତାର୍ ମୁଆଟେ ଟିଆଅଇଲାବେଲେ ତମକେ ପୁରାପୁରୁନ୍ ସୁକଲ୍ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା ଲକର୍‌ପାରା ସେ ଦେକ୍‌ସି । ୨୩ ତମେ ବିସ୍‌ବାସ୍ କରିଲାଗିରଇଲେ, ତମର୍ ବିସ୍‌ବାସ୍ ତାଟ୍ ରଇସି । ସୁବ୍ କବର୍‌ଟାନେ ମାପୁରୁ ଜନ୍ ଆସା ଦେବି ବଲି କାତା ଦେଇଆଟେ, ସେ ଆସା ପାଇବାଟାନେଅନି ତମକେ କେ ମିସା ନ ତେବାଅଡ଼ । ଏ କବର୍ ତମେ ଆଗ୍‌ତୁ ସୁନିସାରାଇଆଟାସ୍ । ଆରି ଜଗତର୍ ଗୁଲାଇଲକ୍‌କେ ଜାନାଇଅଇଆଟେ । ଏ ସୁବ୍ କବର୍ ଜାନାଇବାକେ ମୁଇ ପାଉଲ୍ ଗଟେକ୍ ଗତିଦାଙ୍ଗ୍‌ଡା ଅଇଲିଆଟି ।

### ମଣ୍ଡୁଲିତେଇ ପାଉଲ୍‌ର୍ କାମ୍

୨୪ ଏବେ ମୁଁ ସାର୍ଦାଅଇଆଟି । କାଈକେବଇଲେ ଜେଡ଼କି ଦୁକ୍‌କସ୍‌ଟ ମୁଁ ମୁରତିକରିଆଟି, ସେଟା ତମର ନିକପାଇ । ତାର ବାଦୁଲେ ରଇକରି ଜେଡ଼କି ଦୁକ୍‌କସ୍‌ଟ ମକେ ମୁରବ୍‌ବାକେ କିରିସ୍‌ଟ ମନ୍ କଲାନି, ସେଟା ସବୁ ସାର୍ଦାସଙ୍ଗ୍ କଲିନି । ତାର ଗାଗଡ଼ ପାରା ରଇବା ତାର ମଣ୍ଡଲିର ନିକପାଇ ମୁଁ ସେଟା କଲିନି । ୨୫ ପରମେସର୍ ମକେ ମଣ୍ଡଲିର ଗତିଦାଙ୍ଗଡ଼ା କରିଆଟେ । ତମ୍‌କେ ସାଇଜ କରବାକେ ସେ ମକେ ବାଟିଆଟେ । ତାର କବର୍ ତମ୍‌କେ ପୁରାପୁରୁନ୍ ଜାନାଇବାଟା ଅଇଲାନି ମର୍ କାମ୍ । ୨୬ ପୁରବେ ବୈରଇବା ସବୁଲକର୍ ଟାନେଅନି ଏ ବିସଇ ଲୁଟାଇକରି ସଙ୍ଗାଇରଇଲା । ମାତର୍ ଏବେ ସେଟା ତାର ଲକ୍‌ମନ୍‌କେ ସେ ଜାନାଇଆଟେ । ୨୭ ଜିଉଦି ନ ଅଇଲା ଲକ୍‌ମନ୍‌ର ପାଇ ସେ ଟିକ୍ କିରିରଇବା ମଇମାସଙ୍ଗର୍ ଜଜନା ତାର ଲକ୍‌ମନ୍‌କେ ଜାନାଇବାକେ ପରମେସର୍ ଟିକ୍‌କଲା । ସେ ଲୁଟିରଇବା ବିସଇ ଅଇଲାନି, ଜିଉଦି ନଇଲା ଲକ୍‌ମନ୍‌ରଟାନେମିସା କିରିସ୍‌ଟ ରଇସି । ଆରି ସେ କାତା ଦେଇରଇବା ସବୁ ରକାମର୍ ମଇମା ତମେମିସା ପାଇସା ବଲି ଜାନିରୁଆ । ୨୮ କିରିସ୍‌ଟର୍ ବିସଇ ରଇବା ଏ କବର୍ ଆମେ ସବୁକେ ଜାନାଇଲୁନି । ଆମେ ସବୁକେ ଜାଗରଡ଼ କରାଇ, ସେ ଆମ୍‌କେ ଦେଇରଇବା ଗିଆନ୍ ସଙ୍ଗ୍ ସିକାଇଲୁନି । ଜେନ୍ତାରିକି ସେମନ୍ ତାର ମୁଆଟେ ଟିଆଅଇଲାବେଲେ କିରିସ୍‌ଟର୍‌ସଙ୍ଗ୍ ମିସିରଇଲା ସବୁଲକ୍ ପୁରାପୁରୁନ୍ ସିଦ୍ ଅଇରଇବାଇ । ୨୯ ଏ କାମ୍ ମୁଁ ପୁରାପୁରୁନ୍ କରବାକେ ମକେ କିରିସ୍‌ଟ ଦେଇରଇବା ବଡ଼ ବପୁସଙ୍ଗ୍ ଆବଡ଼ ଅଇ କଲିନି ।

## ୨

୧ କାଈକେବଇଲେ ତମ୍‌ରପାଇ, ଲାଉଦିକିଆର୍ ଲକ୍‌ମନ୍‌କେ ଆରି ଏବେ ଜେଡ଼କି ଲକ୍ ମକେ ନ ଦେକିରଇଲାଇ, ସେ ସବୁଲକର୍ ପାଇ, ମୁଁ କେତେକ୍ କସ୍‌ଟ କଲିନି, ସେଟା ତମେ ଜାନା ବଲିକରି ମନ୍‌କଲିନି । ୨ ଏ ସବୁ ବିସଇ ତମ୍‌କେ ଆଡ଼ମା ଇସାବେ ସାର୍ଦା କରାଇବାପାଇ ମୁଁ କଲିନି । ଜେନ୍ତାରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି ଅଇସା । ତମେ ପୁରାପୁରୁନ୍ ବୁଜବାବେଲେ ବେସି ଆସା ଆରି ସାର୍ଦା ଅଇରଇସା । ଜଦି ତମ୍‌କେ

ଏ ଆସା ରଇଲେ, ପରମେସର ଜଜନା କଲାଟା ଜାନିପାରାସ୍ । ସେ ଆସା ପୁରବେ ରଇଲା ଲକ୍ମନ୍‌କେ ଜାନାଇ ନ ରଇଲା । ସେଟା ନିଜେ କିରିସ୍‌ଟର୍ ବିସଇସେ ।

୩ ସେ ନିଜେ ଏ କବରର୍ ଅରଡ୍ ବୁଜାଇପାର୍‌ସି । ସେଟା ଗଟେକ୍ ବେସି ମୁଲିଅ ରଇବା ବିସଇ ।

୪ କେ ମିସା କାତାର୍ ଚାଲାକିସଙ୍ଗ୍ ତମ୍‌କେ ନ ନାଡାଅଡ୍ ବଲି ଆସାକରି ଏଟା ମୁଇ ତମ୍‌କେ ଲେକ୍‌ଲିନି । ସେମନ୍ କଇବା କାତା ସଡ୍‌ପାରା ଲାଗ୍‌ଲେମିସା ନାଡାଇ ଉଆନାଇ । \* କାଇକେବଇଲେ ଗାଗଡ୍ ଇସାବେ ମୁଇ ତମ୍‌ର୍ ସଙ୍ଗ୍ ନ ରଇଲେ ମିସା ଆଡ୍‌ମା ଇସାବେ ଆଟି । ତମେ କିରିସ୍‌ଟକେ ଡାଟ୍‌ସଙ୍ଗ୍ ବିସ୍‌ବାସ୍ କଲାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି ସାର୍‌ଦା ଅଇଲିନି ।

### କିରିସ୍‌ଟର୍‌ତେଇ ପୁରାପୁରୁନ୍ ଜିବନ୍

୬ ତେବେ ଜିସୁକିରିସ୍‌ଟକେ ତମ୍‌ର୍ ମାପୁରୁ ଇସାବେ ଜେନ୍ତି ବିସ୍‌ବାସ୍ କରିଆଟାସ୍, ସେନ୍ତାରି ଡାଟ୍‌ସଙ୍ଗ୍ ମିସିକରି ରୁଆ । ୭ କିରିସ୍‌ଟର୍ ବିସଇ ବିସ୍‌ବାସ୍ କରିରଇବା କବର୍ ଡାଟ୍‌ସଙ୍ଗ୍ ଦାରିରୁଆ । ତାର୍ ବିସଇ ଅଦିକ୍ ଅଦିକ୍ ସିକା ଆରି ବିସ୍‌ବାସେ ଡାଟ୍ ଉଆ । ଜେନ୍ତିକି ତମ୍‌କେ ସିକାଇଲାପାରା, ପରମେସର୍‌କେ ଦନିଅବାଦ୍ ଦେଇତେରୁଆ ।

୮ କେ ମିସା ନିଜର୍ ଚାଲାକିକରି ପରମେସରର୍ ବିସଇ ତିଆରକରି ରଇବାଟା ସଙ୍ଗ୍ ତମ୍‌କେ ପାନ୍ଦେ ନ ଲାଗାଅଡ୍, ସେଟାରିପାଇ ଜାଗ୍‌ରଡ୍ ଅଇରୁଆ । ସେମନ୍ ସିକାଇବାଟା କାଇ ଲଡାକେ ନ ଆସେ ଆରି ସେଟା ସଡ୍ ବିସଇ ନଏଁ । ସେଟା ବିନ୍ ଲକ୍‌ର୍‌ଟାନେଅନି ସୁନି ସୁନି ଆଇବାଟା ଆରି ସେଟା ଏ ଜଗଡ୍ ବିଡ୍‌ରେ ରଇବା ନିୟମ୍ । ମାଡର୍ କିରିସ୍‌ଟର୍ ବିସଇଟାନେ ରଇବା, ସଡ୍ ସିକିଆ ନଏଁ । ୯ କାଇକେବଇଲେ ନର୍‌ରୁପ୍ ଦାରିରଇବାବେଲେ ମିସା କିରିସ୍‌ଟ ପୁରାପୁରୁନ୍ ପରମେସର୍ ରଇଲା । ୧୦ ଆରି ତମେ ତାର୍ ସଙ୍ଗ୍ ମିସିରଇଲାଟ୍‌ପାଇ ଆଡ୍‌ମା ଇସାବେ ପୁରାପୁରୁନ୍ ଅଇଆଟାସ୍ । ବିନ୍ ବିନ୍ ବପୁ ଆରି ଅଦିକାର୍ ଉପ୍‌ରେ ରଇ, କିରିସ୍‌ଟର୍ ସାସନ୍ ବଡ୍ ।

୧୧ ତମେ କିରିସ୍‌ଟ ସଙ୍ଗ୍ ମିସ୍‌ଲାଟ୍‌ପାଇ ସୁନଡ୍ ଅଇଲାପାରା ଅଇଆଟାସ୍ । ଜେନ୍ତିକି ତମ୍‌ର୍ ପାପର୍ ଗୁନ୍‌ତଲନେ ଅନି

ମୁକ୍ତିଆରାସ୍ । ଗାଗଡ଼ ଇସାବେ ସୁନତ୍ ଅଇଆରାସ୍ ବଲି ମୁଇ କଇନାଇ, ମାତର୍ କିରିସଟସେ ତମର୍ ପାପର୍ ଗୁନ୍ତଲନେଅନି ମୁକ୍ତଲାଇଆଟେ । <sup>୧୭</sup> ✧ତମେ ଜେତେବେଲେ ହୁବନ୍ ନେବାକେ ପାନିଟାନେ ବୁଡ଼ଲାସ୍, ସେଟା ତମର୍ ପାପର୍ ଗୁନ୍ତଲନ କିରିସଟର୍ ସଙ୍ଗ୍ ମରିକରି ତପିଅଇଲାପାରା ଅଇରଇଲାସ୍ । ପାନିବିତ୍ତରେଅନି ବାରଇଲାଟା ନୁଆ ଗୁନ୍ତଲନ ଦାରି କିରିସଟର୍ ସଙ୍ଗ୍ ଆରି ତରେକ୍ ଉଟ୍ଲାପାରା ଅଇଲା । ପର୍ମେସର୍ ତାର୍ ବପୁସଙ୍ଗ୍ ମଲାତେଇଅନି ଜିବନ୍କରି କିରିସଟକେ ଉଟାଇଲା ବଲି ତମେ ବିସ୍ବାସ୍ କଲାପାଇ ଏଟା ତମ୍ଭକେ ଗଟ୍ଲା । <sup>୧୮</sup> ✧ତମେ ଜିଉଦି ନ ଅଇଲା ଲକ୍ମନ୍ ପର୍ମେସରର୍ ନିୟମ୍ ନ ମାନଲାପାଇ ତାରଟାନେଅନି ବେଗ୍ଲି ରଇଲାସ୍ । ଆରି ତମର୍ ପାପର୍ ଗୁନ୍ତଲନର୍ ବପୁଅନି ମୁକ୍ତି ନ ରଇଲାସ୍ । ମାତର୍ ପର୍ମେସର୍ କିରିସଟର୍ ସଙ୍ଗ୍ ଗଟେକ୍ ନୁଆ ଜିବନ୍ କରି ତମ୍ଭକେ ଉଟାଇଆଟେ । ସେ ଆମର୍ ସବୁ ପାପ୍ କେମାକରି ଦେଲାଆଟେ । <sup>୧୯</sup> ✧ଆମେ କରିରଇବା ସବୁ ପାପ୍ ଲେକାଅଇରଇବା ଚିଟିପତର୍ ଜନ୍ଟା କି ଆମ୍ଭକେ ଦସିକରିରଇଲା, ସେ ସବୁ ପର୍ମେସର୍ ଲିବାଇଦେଲା । ଲେକ୍ଲାଟାମନ୍ କୁରୁସ୍କାଟେ କୁଟି ମାରି କୁରୁପନାସ୍ କଲା । <sup>୨୦</sup> ସାସନ୍ କରି ଅଦିକାରେ ରଇବା ସବୁ କାରାପ୍ ଆଡ଼ମାମନ୍କେ ସେ ଆରାଇଲା । କିରିସଟ୍ କୁରୁସ୍କାଟେ ମଲାକେ, ସେ ସବୁ ସାସନ୍କାରିଆମନ୍କେ ଆରାଇଲା ବଲି ଦେକାଇଲା ।

<sup>୧୭</sup> ✧ତେବର୍ପାଇ ତମର୍ କାଇବା, ପିଇବା, ବିସଇ ଅ କି ତାକର୍ କେତେଟା ପରବ୍ତନ୍ତଟାନେ କି ଉଆଁସରାତି ବେଲେ କି ବିସରାମବାରେ ତମେ ମିସାସନାଇ, ବଲି କାକେ ବିଟାର୍ କର୍ବାକେ ଦିଆସନାଇ । <sup>୧୮</sup> ଏ ସବୁ ନିୟମ୍ ପର୍ମେସର୍ ଆମ୍ଭକେ ଦେବିବଲି କାତାଦେଇରଇବା ବିସଇର୍ ଚିନ୍ । ଏ ସବୁ ନିୟମ୍ ଚିନ୍ କିରିସଟ୍ଟାନେ ପୁରାପୁରୁନ୍ ସିଦ୍ ଅଇସି । <sup>୧୯</sup> ନିଜ୍ଜକେ ନିଜ୍ଜକରି ସେମନ୍ ଉପାସନା କଲାପାରା ହୁଡ଼ମନ୍କେ ଉପାସନା କର୍ବାକେ, କାକେମିସା ବାଦିଅ କର୍ବାକେ ଦିଆସନାଇ । ସେନ୍ତାରକଲେ ପର୍ମେସର୍ କାତାଦେଇରଇବା ପୁରୁସ୍କାର୍ ତମ୍ଭକେ ନ ମିଲେ

✧ ୨:୧୨ ୨:୧୨ ରମିୟ ୬:୪ ✧ ୨:୧୩ ୨:୧୩ ଏପିସିୟ ୨:୧-୫ ✧ ୨:୧୪ ୨:୧୪ ଏପିସିୟ ୨:୧୫ ✧ ୨:୧୭ ୨:୧୭ ରମିୟ ୧୪:୧-୬

। ସେନ୍ତାରି ସିକାଇବା ଗଟେକ୍‌ଲକ୍, ପର୍‌ମେସର୍‌ଟାନେ ଅନି ଦର୍‌ସନ୍ ଦେକିଆତି ବଲିକରି ଅଦିକାର୍ ସଙ୍ଘ୍ ସିକାଇଲାନି । ସେ ତାର୍ ଚାଲାଇସଙ୍ଘ୍ ନିଜେ ତିଆରକରିରଇବା ବିସଇର୍ ଲାଗି ବଡ଼ପନ୍ ଅଇସି, ମାତର୍ ସତଇସେ ସେନ୍ତାରି ବଡ଼ପନ୍ ଅଇବାକେ କାଇଟାମିସା ନାଇ । <sup>୧୯</sup> ✱କିରିସ୍‌ଟର୍ ବିସଇଟାନେ ରଇବା ସତ୍ ସିକିଆ ଚାଡ଼ିଦେଲାଇ ଆଚଡ୍ । କିରିସ୍‌ଟ ଜେ କି ଗାଗଡ୍‌ର୍ ମୁଣ୍ଟ୍ ଅଇଆଚେ । ମୁଣ୍ଟ୍ ଜେନ୍ତାରିକି ଗାଗଡ୍‌କେ ବାଟ୍ ଦେକାଇସି, ସେନ୍ତାରିସେ ତାର୍ ଲକ୍‌ମନ୍ ଗଟେକ୍ ଅଇରଇବାକେ କିରିସ୍‌ଟ ବାଟ୍ ଦେକାଇସି । ଗାଗଡ୍‌ର୍ ସନ୍ଦି ଆରି ଚିର୍ ଗାଗଡ୍‌କେ ଗଟେକ୍ କରି ସଙ୍ଘାଇଲାପାରା । ଆରି ପର୍‌ମେସର୍ ମନ୍‌କଲାପାରା ସେଟା ବଡ଼ସି ।

### କିରିସ୍‌ଟ ସଙ୍ଘ୍ ମରୁ ନଇଲେ ଜିଉଁ

<sup>୨୦</sup> ତମେ କିରିସ୍‌ଟର୍ ସଙ୍ଘ୍ ମଲାର୍‌ପାଇ ଏ ଜଗଡ୍‌ର୍ ସାସନ୍‌କାରିଆମନର୍ ଟାନେଅନି ମୁକ୍‌ଲିଆଚାସ୍ । ତେବେ ଏ ଜଗଡେ ରଇବା ନିୟମମନ୍ ଏବେ ଜାକ କାଇକେ ମାନିଆଚାସ୍ ? <sup>୨୧</sup> ଏନ୍ତାରିଟାମନ୍ ଦାରାନାଇ କି କାଆନାଇ କି, ଏନ୍ତାରିଟାମନ୍ ତିଆନାଇ ମିସା । ଏ ନିୟମମନ୍ କାଇକେ ମାନିକରି ଆଚାସ୍ ? <sup>୨୨</sup> ଏ ସବୁଜାକ ନିୟମ୍ ମାନିକରି ଚାଲିଲେ ତମ୍‌କେ କାଇ ଲଡାକେ ନ ଆସେ । କାଇକେବଇଲେ ସେଟା ଲକ୍‌ମନ୍ ତିଆରକଲାଟା । <sup>୨୩</sup> ଏ ରକାମର୍ ନିୟମ୍ ବେସି ଗିଆନ୍ ରଇଲାପାରା ତିସ୍‌ସି । ବାଦିଅକରି ଦୁଡ଼ମନ୍‌କେ ଉପାସନା କର୍‌ବାଟାନେ ଆରି ଲକ୍‌ମନ୍‌କେ ଦେକାଇଅଇଲା ପାରା ନିଜ୍‌କେ ନିର୍‌କରି ଆରି ଗାଗଡ୍‌କେ କସ୍‌ଟ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍‌ମନର୍ ପାପର୍ ଗୁନ୍‌ଚଲନ୍ ଜାଗ୍‌ରଡ୍ କରି ସଙ୍ଘାଇବାକେ କାଇ ମୁଲିଅ ନ ରଏ ।

## ୩

<sup>୧</sup> କିରିସ୍‌ଟର୍ ସଙ୍ଘ୍ ମରିରଇଲାର୍ ପାଇ ଆରି ତାର୍ ସଙ୍ଘ୍ ନୁଆଜିବନ୍ ପାଇ ପର୍‌ମେସର୍ ତମ୍‌କେ ଉଟାଇଲାର୍‌ପାଇ ସର୍‌ଗେ ରଇବା ବିସଇ ଦେକ୍‌ତେରୁଆ । ତେଇ କିରିସ୍‌ଟ ପର୍‌ମେସର୍‌ର୍



ଉଜାବାଟେ ବସିଆଟେ । <sup>୨</sup> ଏ ଜଗତର ବିସଇ ନ ବାବିକରି ସରଗର ବିସଇ ଚିନ୍ତାକରା । <sup>୩</sup> କାଇକେବଇଲେ ତମେ ମରିକରି ପରମେସରର ମୁଆଟେ କିରିସଟର ସଙ୍ଘ ମିସିରଇବା ଜିବନ୍ ବିତାଇଲାସନି । ସେ ଜିବନ୍ ଲୁଚିକରିଆଟେ । <sup>୪</sup> କିରିସଟ ଅଇଲାନି ତମର ଜିବନ୍ । ସେ ବାଅଡ଼ଲାବେଲେ ତମେ ମିସା ସବୁର ଦେକ୍ତେ ତାର ମଇମାତେଇ ମିସା ।

### ପୁରନା ଆରି ନୁଆ ଜିବନ୍

<sup>୫</sup> ତମର ପାପର ଗୁନଚଲନ୍ ଇସାବେ ଜେଡ଼କି ସବୁ ପାପ କାମ କରତେରଇଲାସ, ସେଟାମନ୍ ଆରି କରାନାଇ । ଜେନ୍ତାରି କି ବେସିଆ କାମ, ସୁକଲ୍ ନ ରଇବା ଚଲାଚଲ୍ତି, ଗାଗତର ଲାଲ୍‌ସାଅଇବାଟା, କାରାପ୍ ବିସଇ ମନ୍ କରବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁତ୍‌ଲାମନ୍‌କେ ଜୁଆର କରବାଟା ସଙ୍ଘ ସମାନ୍ । <sup>୬</sup> ଏ ସବୁ କାମେ ବୁଡ଼ିକରି ଜନ୍‌ଲକ୍‌ମନ୍ ପରମେସରର କାତା ନ ମାନଡ଼, ସେମନ୍‌କେ ତାର ବଡ଼ ରିସା ଆଇସି । <sup>୭</sup> ପୁରବେ ତମେ ମିସା ଏ ସବୁ କାମେ ମିସି ରଇକରି ସେନ୍ତାରି ଚଲାଚଲ୍ତି କରତେରଇଲାସ ।

୮ ମାତର ଏବେ ସେନ୍ତାରି ବିସଇ କରା ନାଇ । ଜେନ୍ତାରି ରିସା ଅଇବାଟା, ଇସାତଲା କରବାଟା, ବିନ୍‌ଲକ୍‌କେ ଗିନ୍ କରବାଟା, ନିନ୍‌କାତା କଇବାଟା, ଆରି ପିଟ୍‌ତେ କାତାକଇବାଟା ଚାଡ଼ିଦିଆସ । <sup>୯</sup> ନିଜର୍ ନିଜର୍ ବିଡ଼ରେ ମିଟ୍ କାତା କୁଆବଲା ଉଆନାଇ । କାଇକେ ବଇଲେ ତମେ ପୁରନା ଗୁନଚଲନ୍‌ର ସବୁ ଅବିଆସ୍ ଚାଡ଼ିଦେଇକରି, <sup>୧୦</sup> ନୁଆ ଚଲାଚଲ୍ତି ଆରାମ୍‌କରି ଆଗାସ । ପରମେସର ତମ୍‌କେ ଦେଇରଇବା ଏ ନୁଆ ଚଲାଚଲ୍ତିତେଇ ତମେ ତାର ବିସଇ ଅଦିକ୍ ଅଦିକ୍ ଜାନ୍‌ସା ଆରି ତାରପାରା ଅଦିକ୍ ଅଦିକ୍ ଅଇଆଇସା । <sup>୧୧</sup> ତମେ ଜିଉଦି ଲକ୍ ଉଆ କି ଜିଉଦି ନ ଅଇଲା ଲକ୍ ଉଆ, ସୁନଡ଼ ଅଇଲାଲକ୍ କି ସୁନଡ଼ ନ ଅଇଲା ଲକ୍, ଦାପ୍‌ରେ ରିସା ଅଇ ମାରିମରାଇବା ଲକ୍ କି ବିନ୍ ଦେସର୍ ଗତିଦାଙ୍ଗ୍‌ତା କି ମୁକ୍‌ଲାଇଲା ଲକ୍, ସେଟା କାଇଟା ନଏ । ମାତର କିରିସଟ ସବୁରଗାନେ ଆଟେ ଆରି ସେ ଆକା ସବୁର ଉପ୍‌ରେ ସାସନ୍ କଲାନି ।

୧୨ ☆ତେବେ ପରମେସର ତମ୍ଭେ ତାର ଲକ୍ ଅଇବାକେ ବାଟିରଇଲାର ପାଇ ଆରି ତମ୍ଭେ ଆଲାଦ୍ କରି ସୁକଲ୍ ଲକ୍ ଅଇବାକେ ବେଗ୍‌ଲାଇଲାର ପାଇ, ଦୟା ଦେକାଇବାକେ, ଦରମ୍ ଅଇବାକେ, ନିର୍ ଅଇବାକେ, ସୁଆଲ୍ ଅଇବାକେ, ମୁରତିକରି ରଇବାକେ ଜାଗ୍‌ରଡ୍ ଉଆ । ୧୩ ☆ତମ୍ଭେ ତମ୍ଭେ ବିତ୍‌ରେ ଦସ୍ ଦାରାଦାରି ଅଇ ବୁଲ୍‌କଲେ କେମା ଦିଆଦିଇ ଉଆ । ବିନ୍ ଲକ୍‌ର ବିରଦ୍ କାତା ରଇଲେ ମୁରତିକରି କେମା ଦିଆଦିଇ ଉଆ । ମାପୁରୁ ତମ୍ଭେ କେମା ଦେଲାପାରା ତମ୍ଭେ ବିତ୍‌ରେ କେମା କରାକରି ଉଆ । ୧୪ ଏ ସବୁ ବିସଇ କରି ତମ୍ଭେ ବିତ୍‌ରେ ଆଲାଦ୍ କରାକରି ଉଆ । ସେନ୍ତାଆଲେ ତମେ ଗଟେକ୍‌ମନ୍ ଅଇକରି ରଇବାଟା ସିଦ୍ ଅଇସି । ୧୫ ତମେ ସବୁଲକ୍ ଗଟେକ୍ ଗାଗ୍‌ଡେ ରଇବା ବିନ୍ ବିନ୍‌ଟା ଅଇଲାର ପାଇ, କରବା ସବୁ କାମେ କିରିସ୍‌ଟ ତମ୍ଭେ ବାଟ୍ ଦେକାଅ । ସେ ତମ୍ଭେ ସାନ୍ତି ଦେଲା ଆତେ । ତମେ ସାନ୍ତି ସଙ୍ଗ୍ ରଇବାକେ ସେ ତମ୍ଭେ ବାଟ୍‌ଲାଆତେ । ଆରି ପରମେସରକେ ଦନିଅବାଦ୍ ଦେଇଡେରୁଆ ।

୧୬ ☆କିରିସ୍‌ଟ୍ ବାକିଅ ଦିଆନ୍‌କରି ଲାଗିରୁଆ । ତମ୍ଭେ ତମ୍ଭେ ବିତ୍‌ରେ ସିକିକରି ଜାଗ୍‌ରଡ୍ ଅଇରୁଆ । ଏଟା ଗିଆନ୍ ସଙ୍ଗ୍ କରା । ଗିଡ୍ ସଙ୍ଗିତା ବଇର ଗିଡ୍‌ମନ୍, ବିନ୍ ଗିଡ୍‌ମନ୍ ଆରି ସୁକଲ୍ ଗିଡ୍‌ମନ୍ କଇଡେରୁଆ । ମନ୍‌ବିତ୍‌ରେ ଦନିଅବାଦ୍ କଇକରି ପରମେସରକେ ଗିଡ୍ କଇଡେରୁଆ । ୧୭ ତମେ କାଇଟା ମିସା କଇଲେ କି କଲେ, ସେ ସବୁ ମାପୁରୁ ଜିସୁର୍ ନାଉଁଦାରି ବାବା ପରମେସରକେ ଦନିଅବାଦ୍ ଦିଆସ୍ ।

### ନୁଆ ଜିବନର୍

୧୮ ☆ଏ ମାଇଜିମନ୍, ତମେ ନିଜର୍ ନିଜର୍ ମୁନୁସ୍‌ମନର୍ କାତା ମାନିକରି ରୁଆ । ଜିସୁ କିରିସ୍‌ଟ୍ ସଙ୍ଗ୍ ମିସିରଇଲାର ପାଇ ଏନ୍ତାରି କରବାଟା ନିକ ।

୧୯ ☆ଏ ମୁନୁସ୍‌ମନ୍, ତମେ ନିଜର ନିଜର ମାଇଜିମନ୍‌କେ ଆଲାଦ୍ କରି ଦରମ୍ ଉଆ ।

୨୦ ☆ଏ ପିଲାଟକିମନ୍, ତମର ଆୟାବାବାର୍ କାତା ମାନିକରି ରୁଆ । ସେଟା ପର୍ମେସର୍‌କେ ସାର୍‌ଦା କରାଇସି ।

୨୧ ☆ଏ ଆୟା ବାବାମନ୍, ତମର ପିଲାଟକିମନ୍‌କେ ସବୁବେଳେ ଲାଗିକରି ମନ୍ ବାଙ୍ଗାଆ ନାଇ ।

୨୨ ☆ଏ ଗତିଦାଙ୍ଗ୍‌ତାମନ୍, ତମେ କରିରଇବା ସବୁକାମ୍‌ଟାନେ ତମର ଜଗତେରଇବା ସାଉକାର୍‌ମନର୍ କାତା ମାନିକରି ରୁଆ । ସେମନ୍ ତମର କାମ୍ ଦେକି ବଲ୍ ବଲ୍‌ବାକେ ନାଇ ମାତର୍ ମାପ୍‌ରୁକେ ଡିକିକରି ସତ୍ ମନେ ରଇ ସବୁ କାମ୍ କରା । ୨୩ ତମେ ଜାଇଟା କଲେମିସା ପୁରାପୁରୁନ୍ ମନ୍, ଦିଆନ୍, ଜିବନ୍, ପରାନ୍ ଦେଇ ମାପ୍‌ରୁପାଇ କଲ୍ମା ଇସାବେ କରା । ଲକ୍‌ମନର୍ ପାଇ କାମ୍ କଲ୍ମାପାରା କରାନାଇ । ୨୪ କାଇକେବଇଲେ ମାପ୍‌ରୁ ତମ୍‌କେ ପୁରୁସ୍‌କାର୍ ଦେଇସି ଆରି ତାର୍ ଲକ୍‌ମନ୍‌କେ ସେ ଦେବି ବଲି କାତା ଦେଇରଇବା ସବୁ ଆସିରବାଦ୍ ତମେ ପାଇସା ବଲି ଜାନିଆଟାସ୍ । ତମେ ସେବା କର୍‌ବା ସାଉକାର୍ କିରିସଟ, ବଲି ଏତାଇରୁଆ ।

୨୫ ☆ଜିଦି କେ ମିସା ବୁଲ୍ କାମ୍ କରି ଲାଗିରଇଲେ, ପର୍ମେସର୍ ସେମନ୍‌କେ ତଣ୍ଟ ଦେଇସି ଆରି ସେ ସବୁଲକ୍‌କେ ସମାନ୍ ନାପ୍‌ବା ଡାଙ୍ଗ୍‌ସଙ୍ଗ୍ ବିତାର୍ କର୍‌ସି ।

## ୪

୧ ☆ଏ ସାଉକାର୍‌ମନ୍, ତମର ଦାଙ୍ଗ୍‌ତାମନ୍‌କେ ଜତନ୍ କରା ଆରି ସେମନ୍‌କେ ସବୁକେ କାଇ ଅନିଆଇ ନ କରି ଚଲାଟଲ୍‌ତି କରା । କାଇକେବଇଲେ ସର୍‌ଗେ ମିସା ତମର ପାଇ ଗଟେକ୍ ସାଉକାର୍ ଆରେ ବଲି ଏତାଆ ।

ବିନ୍ ବିନ୍ ବିସଇର୍ ଆଦେସ୍ ଦେବାଟା

୨ ପାର୍‌ତନା କରିଲାଗିରୁଆ । ଆରି ଜାଗ୍‌ରଡ୍ ଅଇରୁଆ । ପର୍ମେସର୍‌କେ ସବୁବେଳେ ଦନିଅବାଦ୍ ଦେଇତେରୁଆ । ୩ ଆମର୍

☆ ୩:୧୯ ୩:୧୯ ଏପିସିୟ ୫:୨୫; ୧ ମ ପିତର୍ ୩:୭ ☆ ୩:୨୦ ୩:୨୦ ଏପିସିୟ ୬:୧

☆ ୩:୨୧ ୩:୨୧ ଏପିସିୟ ୬:୪ ☆ ୩:୨୨ ୩:୨୨ ଏପିସିୟ ୬:୫-୮ ☆ ୩:୨୫ ୩:୨୫ ଏପିସିୟ ୬:୯ ☆ ୪:୧ ୪:୧ ଏପିସିୟ ୬:୯

ପାଇଁ ମିସା ପାରତନା କରା । ଜେନ୍ତୁକି କିରିସ୍ତର ବିସଇଟାନେ ରଇବା ଏ ସୁବ୍‌କବର୍ ଆମେ ସବୁଲକ୍‌କେ ଜାନାଇପାରୁ । ଏ ସୁବ୍‌ କବର୍ ସେମନ୍ ଆଗ୍ତୁ ନାଜାନିରଇଲା । ଏ ସୁବ୍‌କବର୍ ଜାନାଇଲାପାଇ ମୁଇ ଏବେ ବନ୍ଦିଗରେ ଆତି । ୪ ଜେନ୍ତୁକି ମୁଇ ଜେଡକି ଲକ୍‌କେ ଏ ସୁବ୍‌କବର୍ ନିକସଙ୍ଗ୍ ଜାନାଇବି, ସେଟାରପାଇ ପାରତନା କରା ।

\* ମାପରୁ ଜିସୁକିରିସ୍ତକେ ବିସବାସ୍ ନ କଲା ଲକ୍‌ମନରତେଇ ଜାଗରଡ୍ ସଙ୍ଗ୍ ଚଲାଚଲ୍‌ତି କରା । ତମେ ମିଲାଇରଇବା ସବୁ ବେଲା ବୁଦିର୍ ସଙ୍ଗ୍ କରା । ୬ ସେମନ୍‌କେ ସନ୍‌ମାନ୍ ଦେଇ କାତା ଉଆ । ଜେନ୍ତୁକି ତମେ କଇବା ବିସଇ ସେମନ୍ ମନ୍‌କର୍‌ବାଇ । ତେବେ ତମେ ବିସବାସ୍ କରବା ବିସଇଟାନେ କାଇଆଲେ କାତା ଉର୍‌ଲେ, ତମେ ଉତର୍ ଦେଇପାରସା ।

ସାରାସାରିର୍ କାତା

୭ ✠✠ତୁକିକ କଲସିଅ ଆଇଲାବେଲେ ମକେ କାଇକାଇଟା ଗର୍‌ଲାନି ବଲି ତମ୍‌କେ କଇଦେଇସି । ସେ, ମୁଇ ବେସି ଆଲାଦ୍ କରବା ଗଟେକ୍ ବିସବାସି ବାଇ । ସେ ବିସବାସ୍ ସଙ୍ଗ୍ କାମ୍ କରସି ଆରି ମର୍ ସଙ୍ଗ୍ ମାପରୁକେ ସେବା କରସି । ୮ ଆମ୍‌କେ କାଇଟା ଗର୍‌ଲାନି ବଲି ତାର୍‌ଟାନେଅନି ଜାନ୍‌ସା । ଆରି ସେ ତମ୍‌କେ ବିସବାସ୍ କରାଇବାଟା ତାଟ୍ କରାଇସି । ଏଟାରପାଇ ତାକେ ତମର୍‌ଟାନେ ପାଟାଇଲିନି । ୯ ✠ଅନିସିମ୍‌କେ ତାର୍‌ସଙ୍ଗ୍ ପାଟାଇଲିନି । ସେ ଆମର୍ ଆଲାଦର୍ ବେସି ବିସବାସ୍ ରଇବା ବାଇ । ସେ ତମର୍ ନଅରର୍ ଲକ୍ । ଇତି ଗର୍‌ବା ସବୁ ବିସଇ ସେମନ୍ ତମ୍‌କେ ଜାନାଇବାଇ ।

୧୦ ✠ଆରିସ୍‌ତାକସ୍ ତାର୍ ଜୁଆର୍ ଜାନାଇଲାନି । ସେ ମର୍ ସଙ୍ଗ୍ ବନ୍ଦିଗରେ ଆଟେ । ବର୍‌ନବାର୍ ମେଏନାବାଇ ମାର୍‌କ ମିସା ଜୁଆର୍ ଜାନାଇଲାନି । ମାର୍‌କର୍ ବିସଇ ତମେ ସୁନିସାରାଇ ଆଟାସ୍ । ସେ ତମର୍ ଲଗେ ଆଇଲେ ତାକେ ଡାକି ନିଆ । ୧୧ ଜୁସ୍‌ତ ନାଉଁଦାରି ତାକ୍‌ପୁଟା ଅଇଲା ଜିୟ୍‌ସୁୟ୍ ମିସା ତମ୍‌କେ ଜୁଆର୍ ଜାନାଇଲାନି ।

✠ ୪:୫ ୪:୫ ଏପିସିୟ ୫:୧୭ ✠ ୪:୬ ୪:୬ ପେରିଡ୍ ୨୦:୪; ୨ୟ ଡିମତି ୪:୧୨ ✠ ୪:୭ ୪:୭ ଏପିସିୟ ୬:୨୧,୨୨ ✠ ୪:୯ ୪:୯ ପିଲିମନ୍ ୧:୧୦-୧୨ ✠ ୪:୧୦ ୪:୧୦ ପେରିଡ୍ ୧୯:୨୯; ୨୭:୨; ପିଲିମନ୍ ୧:୨୪; ପେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯

ଏ ତିନି ଲକ୍ଷେ ଇତି ରଇବା ଜିଉଦି ବିସ୍ବାସିମନ୍ । ପର୍ମେସରର୍ ରାଇଜ୍ ବିସଇତେଇ ରଇବା ସୁବ୍‌କବର୍ ଜାନାଇବାକେ ସେମନ୍ ମର୍ ସଙ୍ଗ୍ କାମ୍ କଲାଇନି । ସେମନ୍ ମକେ ବେସି ସାର୍ଦା କରାଇଆଚଡ୍ ।

୧୨ ☆ଏପାପୁରା ତାର୍ ଜୁଆର୍ ଜାନାଇଲାନି । ସେ ମିସା ତମର୍ ନଅରର୍ ଲକ୍ । ସେ ମିସା ଗଟେକ୍ ଜିସୁକିରିସ୍‌ଟର୍ ଗତିଦାଙ୍ଗ୍‌ତା । ସେ ତମର୍‌ପାଇ ସବୁବେଲେ ମନ୍‌ଦିଆନ୍ ଦେଇ ପାର୍ତନା କରିଲାଗିରଇସି । ଜେଡ୍‌ଜି ତମେ ତାଟ୍ ଅଇ ସିଦ୍ ଅଇସା ଆରି ପର୍ମେସର୍ ତମ୍‌କେ କରା ବଲି ମନ୍‌କଲାଟା ଜାନିରଇସା ।  
 ୧୩ ଏରାପଲି ଆରି ଲାଉଦିକିଆଇ ରଇବା ବିସ୍ବାସିମନ୍‌ପାଇ ଆରି ତମର୍‌ପାଇ ମିସା ସେ ଆବଡ୍ ଅଇଲାନି ବଲି ମୁଇ ସାକି ଦେଲିନି ।  
 ୧୪ ☆ଆମର୍ ଆଲାଦର୍ ନିଜେ ଅସଦେଉ ଲୁକ ଆରି ଦିମା ତମ୍‌କେ ଜୁଆର୍ ଜାନାଇଲାଇନି ।

୧୫ ଲାଉଦିକିଆତେଇ ରଇବା ବାଇବଇନିମନ୍‌କେ, ମର୍ ଜୁଆର୍ ଜାନାଇଦିଆସ୍ । ବଇନି ନୁମ୍‌ପାକେ ଆରି ତାର୍ ଗରେ ରୁଣ୍‌ବା ସବୁ ବିସ୍ବାସିମନ୍‌କେ ମିସା ମର୍ ଜୁଆର୍ ଜାନାଆ । ୧୬ ତମେ ଏ ଚିଟିତେଇ ଲେକ୍‌ଲାଟା ସୁନିସାରାଇଲାପରେ ଲାଉଦିକିଆଇ ରଇବା ବାଇବଇନିମନ୍‌କେ ମିସା ସୁନାଇଦେବାର୍‌ଆତେ ଆକା ।  
 ୧୭ ☆“ମାପୁରୁ ତକେ ସର୍‌ପିଦେଲା କାମ୍ ତୁଇ କରିସାରାଇବାର୍‌ ଆତେ ଆକା” ବଲି ଆରକିପସ୍‌କେ କୁଆ ।

୧୮ ମୁଇ ପାଉଲ୍ ଏଟା ନିଜେ ଲେକ୍‌ଲିନି, “ଜୁଆର୍ ! ମୁଇ ବନ୍ଦିଗରେ ଆଟିବଲି ଏତାଆ ।” ପର୍ମେସରର୍ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସଙ୍ଗ୍ ରଥ ।

☆ ୪:୧୨ ୪:୧୨ କଲସିଅ ୧:୨; ପିଲିମନ୍ ୧:୨୩ ☆ ୪:୧୪ ୪:୧୪ ୨ୟ ତିମତି ୪:୧୧; ପିଲିମନ୍ ୧:୨୪; ୨ୟ ତିମତି ୪:୧୦; ପିଲିମନ୍ ୧:୨୪ ☆ ୪:୧୭ ୪:୧୭ ପିଲିମନ୍ ୧:୨

**ସତ୍ତ୍ୱିୟ ବାବ୍**  
**The New Testament in the Desiya language of India:**  
**ସତ୍ତ୍ୱିୟ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱିୟ ବାବ୍**  
**ଦ୍ୱିତୀୟା ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde